

- * 1. آئندہ لوک سبھا انتخابات مانہہ ملک پر مانہہ 18 تیں 19 سال گا قریباً 80 کروڑ لکھ ووٹر پہلی بار حق رائے دہی غو استعمال کر رہیا ہیں۔
- * 2. وزیر اعظم نریندر مو دی نے بھوٹان مانہہ گیاتسن جیتسن پیما زچہ بچہ ہسپتال غو افتتاح کیو۔
- * 3. بی ایس ایف غی مغربی کمان گا ڈائریکٹر جنرل یوگیش بہادر خرائیہ نے 15 کور گا جنرل افسر کمانڈینگ لیفٹنٹ جنرل راجیو گئی نال ملاقات کر غے بی ایس ایف تے فوج غے بشکار ہم آہنگی غی کوششاں ور تبادلہ خیال کیو۔
- * 4. گذشتہ رات روس غی راجدھانی ماسکو غے نیڑے محفل موسیقی غے دوران اک بندوق بردار نے گولی چلا غے 60 افراد ہلاک تے 145 افراد زخمی کر دتا ہیں۔ وزیر اعظم نریندر مو دی نے اس دہشت گردانہ حملہ غی سخت مزمت کی ہے۔

<><><><><><><><><><>

EC Special

- آئندہ لوک سبھا انتخابات مانہہ ملک پر تیں قریباً 80 کروڑ لکھ ووٹر جن غی عمر 18 توں 19 سال غے درمیان ہے پہلی بار اپنا حق رائے دہی غو استعمال کر رہیا ہیں۔ نوجوان ووٹران ناہے اپنا اس حق بارے اجاگر کرن واسطے سوشل میڈیا ور کئی طرح غی مہم چلانی جا رہی ہیں جس طرح ”آئی ووٹ 4 شو“ وی اک مہم ہے۔ یاد رہے جسے ملک مانہہ 20 توں 29 سال تک غا ووٹران غی تعداد 19 کروڑ 74 لکھ ہے۔ اس بار چناؤ کمیشن نے اطلاع دتی ہے جسے 17 سال تیں آپتے 13 لکھ 4 ہزار امید وران نے پیشگی درخواست جمع کر دتی ہیں۔ انتخابی ذمہ داران قومی شخصیات سچن تندولکر تے راجکمار راؤ غا اشتراک نال نوجوانان ناہے جمہوری تہوار چناؤ مانہہ حصول بارے اجاگر کر رہیا ہیں۔ اس مہم مانہہ سوشل میڈیا تے ریڈیو غو وی بھرپور استعمال کر غے نوجوانان ناہے بیدار کیو جا رہیو ہے۔ نوجوانان ناہے پیش آن آلی مشکلات غا ازالہ کرن واسطے چناؤ کمیشن ”ٹرن آؤٹ امپلیمینٹیشن پلان“ عملا رہیو ہے۔

<><><><><><><><><><>

India Bhutan

- وزیر اعظم نریندر مو دی تے ان گا بھوٹان غا ہم منصب تشرینگ تو بگے نے اج سویرے تھمپو مانہہ اپنی قسم غا ایک منفرد جدید ٹیکنالوجی آلا گیا لستن جیتسن پیما مانہہ بچہ ہسپتال غو افتتاح کیو ہے۔ جس غی تعمیر بھارت سرکار غی امداد سنگ کی گئی ہے۔ 150 بستراں ور مشتمل اس ہسپتال غی ترقی بارے بھارت نے دو مرحلاں مانہہ حمایت کی ہے۔ ہسپتال غا پہلا مرحلہ غی تعمیر ور 22 کروڑ روپیا غی لاگت آئی ہے۔ تے یوہ 2019 تیں چالو ہے۔ اسے طرح 12 واں 5 سالہ منصوبہ غا ایک حصہ غے طور 119 کروڑ روپیاں غی لاگت سنگ اس ہسپتال غی تعمیر غا دو جا مرحلہ مانہہ 2019 مانہہ ہتھ مانہہ لیو گیو جس ناہے ہن مکمل کیو گیو ہے۔ اس نواں تعمیر ہوا ہسپتال سنگ بھوٹان مانہہ ماں تے بچہ غی صحت خدمات بارے معیاری قدر پیدا وے گی۔ جت خصوصی علاج سہولیات جس طرح کہ بچاں غی صحت، زنانہ امراض مصنوعی بے ہوشی آپریشن تھیٹر تے بچہ نچہ صحت سہولیات میسر رہیں گی۔ وزارت خارجہ غو کہنو ہے جسے اس ہسپتال غو بننو صحت سہولیات بارے بھارت بھوٹان حصے داری غی چمکتی مثال ہے۔ اس ہسپتال غا افتتاح توں بعد وزیر اعظم نریندر مو دی نوین دہلی واسطے روانہ ہوا۔ جت ہوائی اڈاہ ور اک خصوصی عزت غے طور بھوٹان غا راجہ جگمے کھیسر نمگیل وانگچک نے ات غا وزیر اعظم تو بگے غے ہمراہ جناب مو دی ناہے گرم جوشی سنگ روانہ کیو۔ اک سماجی ذرائع ابلاغ پوسٹ مانہہ جناب مو دی نے کہیو ہے جسے بھوٹان غو ان غو یوہ اک خصوصی دورو رہیو ہے۔

جس دوران انہاں نے ات غا راجہ، وزیر اعظم تے بھوٹان غی معزز شخصیات سنگ ملاقات کی ہے۔ انہاں نے کہیو جے اس گل بات سنگ بھارت بھوٹان غا لوکاں گو گرم جوشی پیار تے مہمان نوازی واسطے شکریو ادا کیو ہے۔ جناب مودی نے کہیو جے بھارت ہمیشہ تیں بھوٹان غو اعتماد پسند دوست و حصے دار رہیو ہے۔ وزیر اعظم بھوٹان غا اس 2 روزہ دورہ تیں بعد دہلی واپس آ گیا ہیں۔

<><><><><><><><><><>

BJP CEC

بھارتی جنتا پارٹی غی مرکزی کمیٹی اج نویں دہلی مانہہ پارٹی ہیڈ کوارٹر ور ملاقات کر غے انتخابات مانہہ حصول آلا امیدواراں غا ناں غو اعلان کرے گی۔ اس موقع ور کمیٹی غا ممبران غے علاوہ وزیر اعظم نریندر مودی بی جے پی غا قومی صدر جے پی نڈا، وزیر داخلہ امت شاہ غے علاوہ بکھ بکھ ریاستاں تیں پارٹی غا کمیٹی ممبران وی موجود ویں گا۔

<><><><><><><><><><>

SVEEP Udhampur

ضلع چنواؤ افسر ادھم پور سلونی رائے نے گذشتہ کل ضلع غی عوام مانہہ سیوپ یعنی سسٹمیٹک ووٹرز ایجوکیشن اینڈ الیکٹورل پارٹیسپیشن بارے بیداری لیان گا سلسلہ مانہہ ڈی سی دفتر ادھم پور تیں ووٹر بیداری وین نانہہ جھنڈی دس غے روانہ کیو۔ اس بارے ذرائع ابلاغ نال گل کرتاں وں موصوفہ نے کہیو جے اس قدم غے نال عوام مانہہ چنواؤ غے ویلے خود فیصلو لین بارے بیداری آوے گی۔ انہاں نے جمہوریت مانہہ ووٹراں غی اہمیت ور زور دیتاں وں کہیو ہے جے آئندہ لوک سبھا انتخابات مانہہ بدھ چڑھ غے حصول لین۔ سیوپ غی اہمیت نانہہ اُجاگر کرتاں وں شہریاں ور زور دتو جے وے عوام مانہہ ووٹ غی اہمیت نانہہ اُجاگر کر غے جمہوریت نانہہ مضبوط بنان غی ہر ممکنہ کوشش کریں۔ انہاں نے معزور ووٹراں، کالسریاں، نوجوان ووٹراں، پہلی بار ووٹ دین آلاں تے بزرگ ووٹراں غا چنواؤ مانہہ حصول لین واسطے متعلقہ افسراں ور زور دتو جے وے ہر ممکنہ کوشش کریں تا جے مذکورہ ووٹر بدھ چڑھ غے اپنا حق رائے دیہی غو استعمال کر سکیں۔ اور انہاں نانہہ آئندہ انتخابات شفافیت سنگ کران غی اہمیت ور وی زور دتو۔

<><><><><><><><><><>

Martyrdom Day

اج شہید اعظم بھگت سنگھ، راج گورو تے سکھ دیو غو یوم شہادت منایو جا رہیو ہے۔ سال 1931 عیسوی مانہہ اج غے روز لاہور سینٹرل جیل مانہہ انقلاب زندہ باد غا نعرہ لاتاں وں پھانسی غا پھندہ نانہہ ہنستاں ہنستاں گلے لایو۔ اس موقع ور پنجاب سمیت پورا ملک مانہہ ان شہیداں نانہہ پورا جذبات سنگ خراج عقیدت پیش کیو جا رہیو ہے۔ آکاشوانی غا نامہ نگار نے دسیو ہے جے شہیداں غا چتاور ہر سال میلہ لگتا ریں۔ تے یوہ ہی ان گو آخری نشان وے گو، اسے طرز ور شہید بھگت سنگھ غا آبائی گراں کھٹر قلاں جہڑو کہ پنجاب غا ضلع شہید بھگت سنگھ نگر مانہہ بے تے قومی شہیدی یا دگار حسین وں والا ضلع فیروز پور مانہہ وی خصوصی شہیدی تقریبات منعقد کی جا رہی ہیں۔ واضح رہے جے 23 مارچ 1931 نانہہ شہید بھگت سنگھ، راج گورو تے سکھ دیو غی آخری رسومات رین حسین وں والا مانہہ ہی ادا کی گئی تھیں۔ بھگت سنگھ غی شہادت تیں بعد ان گا اک نزدیکی دوست بھگوتی چرن وہرہ غی بیوی ڈرگا بہابھی جہڑی خود وی اک انقلابی جنگجو تھیں نے کہیو تھو جے پھانسی ان واسطے خیمو بن چکو ہے۔ پھندو ان واسطے گلہ غو با ر بنیو ہے تے موت ان واسطے دلہن بنی ہے۔ آزادی غا ان بہادر جنگجو ان مانہہ سلامی ہے۔

<><><><><><><><><><>

گو۔ اک ذرائع ابلاغ پوسٹ ور سفارتخانہ غی طرفوں وی اس حملہ ماتہہ مرن آلا خاندان سنگ تعزیت کی ہے جے زخمیاں غی تیز تر صحت یابی بارے کامنا کی ہے۔

<><><><><><><><><>

Vote From Home

چناؤ کمیشن نے تاریخی فیصلو لیتاں واں ”ووٹ فار ہوم“ سہولت غو اعلان کیو ہے۔ یا درہ جے ایسو مُلک ماتہہ ہلی بار ہورہیو ہے جے جسمانی طور ور معزور افراد گھر تیں ہی اپنا حق ائے دہی غو استعمال کریں گا۔ اس بارے ضلع ریاسی تیں لیاقت چودھری نے اس طرح دسیو۔۔۔

<><><><><><><><><>

DEO Polling Station

ضلع چناؤ افسر جموں سچن کمار ویشیا نے گذشتہ کل بشناہ، آرا یس پورہ، مڑھ تے سرحدی علاقہ سوچیت گڑھ تے چکروبی غو دورو لا غے پولینگ اسٹیشناں ور سہولیات غو جائزو لیو۔ انہاں نے مذکورہ علاقیاں غے علاوہ سکاسٹ ماتہہ وی چناوی سہولیات غو جائزولیو۔ انہاں نے اس موقع ور متعلقہ افسراں ماتہہ ہدایت دتی جے انتخابات تیں پہلاں ہی پولینگ اسٹیشناں غی صفائی ستھرائی، بزرگاں تے معزور ووٹراں واسطے سہولیات ماتہہ یقینی بنايو جائے۔

<><><><><><><><><>

اس غے نال ہی خبراں غو یوہ بلیٹن ختم ہوؤ۔